

# Ji` e catî tú` e cajme' TÛ` SIMÓN

**1** Jnea` Tû` Simón, jaang` dsea` ì jmóò` lajîí` e iing` Fíi`naa' Dsea` Jmáang` jogui ì síiñ` cuaiñ` quiá'r, jmo'o e ji` la e catíing` 'ná', dsea` ì røø` nicangíing`na' e já` líing`na' júu` quiá' Fíi`naa' Dsea` Jmáang` laco'gui nicangíing` jnea` e já` líi`naa' júu` quiá' dsea` do cajo, cø' eáang` guiúing` Fidiée` cøo' jneaa`aa' e nicaleáaiñ` jneaa`aa' jee` dsee` qui`ii' la'eáang` cøo' Fíi`naa' Dsea` Jmáang`. <sup>2</sup>Jogui íim`ba' lalíing` e güea` quiá' Fíi`naa' Dsea` Jmáang`, jogui güiliseeng`na' juguiá` júu` røø` la'eáang` e nicuíing`na' Fidiée` cøo'gui 'nia' Dsea` Jmáang` cajo.

**Jial líing` dsea` quiá' Dsea` Jmáang`**

<sup>3</sup>Jø lalab fíi` ì 'ná', dsea` rú'naa' dsea` quiá' Dsea` Jmáang`, e la'eáang` cøo' güea` 'gøng' quiá' Fidiée`ba' nicangíing`naa' jalé' e 'né'naa' e quiá' jial nilisee`naa' laco' catíing` e seeng` dsea` quiá' Dsea` Jmáang`, cø' nicatø' ì dsea` do jneaa`aa' la'eáang` cøo' güea` quiá'r jogui la'eáang` cøo' e eáam` guiúíiñ` e laco' nilicuíing`naa'r. <sup>4</sup>Jøba' la'eáang` cøo' jalé' e nicangíing`naa' do, nicacuøb' Fidiée` júu` quiá'r e niñíing`naa'

jalé' e jlo` niguo' quiá'r, jo jalé' e júu` e nicacuø' Fidiée` do eáam` 'gøng' jogui eáam` quíing` cajo, cø' la'eáang` cøo' e júu` joba' e nicangíing`na' e nica'naam`ba' jee` jalé' e 'lí', fa' jalé' e lí dsíi` yaang` dsea` e sea` fí` jmigüí` la, jogui nicangíing`na' e nilíing`na' dsea` ì seeng` cøøng` cøo' dsea` do. <sup>5</sup>Jø uíi` e cajmée` Fidiée` jalé' e jo quií`na', joba' 'né' e jmi'úung`na' e jmícuáam`bi' e já' líing`na' júu` quiá' Dsea` Jmáang`; jo cøo' e jo 'né` jmée`bi' lajîí' e guiá' cøo' dsea` rúng`na' laco' catíing`; jo cøo' e jo 'né` nijmée`bi' quijí` jial e laco' nilicuíing`gui' Fidiée`; <sup>6</sup>jo cøo' e jo 'né` jmée`na' jialcø' ja` lí` áa`na' yaang`na'; jo cøo' e jo 'né` cuø' bí' yaang`na' e féng' áa`na' nañi' fa' e ngíing`na' iihuíi'; jo cøo' e jo 'né' e dseáng' lajang' nijáang' yaang`na' fí` jaguó` Fidiée` e nijmee`na' lajîí' e iing` dsea` do; <sup>7</sup>jo cøo' e jo 'né` jmée`bi' quijí' e nijmícøo' rúng`na'; jo cøo' e jo 'né` jmée`na' e nijmi'neáang`na' dsea` rúng`na'. <sup>8</sup>Jøba' song` 'ná' jmi'úung`na' e jmoo`na' jalé' e la, jogui jmoo`bi' jalé' e jo laco' si'í', jøba' íim` ta` quií`na' e nilicuíing`gui' Fíi`naa' Dsea` Jmáang` jogui cajo seab`

uiing~ quiá' jalé' e jmoóna' do.

<sup>9</sup>Jō dsu' jaléng'gui dseà ì ja' jmóó' jalé' e júu' la líiñ' lafa' jaang' dseà' tiuum' osi jaang' dseà ì jō' jné' røø' é, cō' nica'ím' dsíir' e Fidiéé'bing' ca'ling' jalé' dsee' quiár' e laco' ca'uíng' dseà do jaang' dseà' guiúng' mi' calí' já' líiñ' júu' quiá' dseà do.

<sup>10</sup>Jōba' fíi' guíi' 'nú', dseà' rú'naa' dseà' quiá' Dseà' Jmáang', e 'né' jmi'úung'na' e niliseeng'na' e laco' cuø' lí' e dseáng' nicatø' Fidiéé' 'nú' jogui e nicaguíñ' 'nú' cajo. Jō song jmoó'ba' lajo, jōba' ja' dseáng' quií'na' e nijjúng'na' fí' ni' dsee'. <sup>11</sup>Jogui song jmée'na' jalé' e jō cajo, jō lajōba' nilitá' óóna' e Fidiéé'bing' ni'íng' 'nú' cōo' e guiú' fí' jmi'güi' cōo' fí' lí' guiing' Fíi'naa' Dseà' Jmáang' quiær' ta' lata', ì dseà ì caleáng' jneaa'aa' jee' jalé' dsee' quí'ii'.

<sup>12</sup>Jōba' dseáng' nijmee'bíi' e nijmiguiém'bíi' áána' jalé' e júu' na contøøng', nañí' fa' lajam' e niñí'na' e júu' jō jogui e niteáng'na' teá' fí' guiú' cōo' dseà do lí' laco' jíi' e nica'e' dseà 'nú'. <sup>13</sup>Dsu' jnea'gui lajee' e seen' fí' jmi'güi' la lín' e catíim'baa e niliúun' 'nú' e niguiéng' áána' jalé' e júu' na. <sup>14</sup>Dsu' lanagui Fíi'naa' Dseà' Jmáang' nicajmea'r' jnea' júu' e jō huøø' seeng'guíi' fí' jmi'güi' la, <sup>15</sup>jōba' dseáng' nijmee'bíi' bí' e niguiém'bi áána' e júu' la mi' ningf' e ningán' n fí' jmi'güi' cōo'.

**Mi' cangá' dseà' jial tíi'  
'gøng' Dseà' Jmáang'**

<sup>16</sup>Jō nica'é'naa' 'nú', dseà' rú'naa', quiá' jial tíi' 'gøng'

Fíi'naa' Dseà' Jmáang' jogui' jial líi' mi' nijáa'tur' fí' jmi'güi' la calé' catú', jō dseáng' lajang' e júu' jō, jō o' júu' e cuøøng' nijmi'uíng' dseà' e nijmé'r' e ja' mí' cangar', cō' dseáng' e já' e cané'naa' cōo' jmini'naa' yee'baa' jial tíi' 'gøng' Fíi'naa' Dseà' Jmáang'. <sup>17</sup>Cō' cané'baa' mi' ca'e' Tiquí'ii' Fidiéé' jnea' jial líng' Dseà' Jmáang' cōo' jalé' e niing' 'gøñi' do, jogui' ie' jōb' canú'na' mi' café' Fidiéé' catí' ñíff' quiár' lala' cuaiñ' quiá' Dseà' Jmáang': "Í lab Jōo'ó' ì 'neaan' eéang', jō dsíng' iáang' dsii' cōo'r'." <sup>18</sup>Jō jneab' dseà' canú'naa' e júu' jō e jáa' tí' yú' jmi'güi', cō' taam'baa' cōo' Fíi'naa' Dseà' Jmáang' e fí' yú' mó' e güeang' do ie' jō.

<sup>19</sup>Jō e jō dseáng' e líta'gui dsi'naa' e já' e júu' e caguia' jaléng' ì dseà ì café' cuaiñ' quiá' Fidiéé' malií'gui eéang', jō e júu' jōb' dseáng' 'né' e jmi'gōo' 'nú' cajo, cō' e júu' jō líi' lafa' cōo' jì' quiá' candíi', jō e jōba' jmáng' dseà' ta' mi' canuø. Jō e jō jneá' cartí' nijneá' e jmi' e nití' mi' nijáa'tu' Dseà' Jmáang' fí' jmi'güi' la e líiñ' lafa' ì núu' ée' ì camíng' ì jnéeng' fí' yú' jmi'güi' mi' la'ee'. Jō ie' jō jaléng' 'nú', dseà' líng'na' dseà' quiár', jō niliseeng'gui' lafa' fí' lí' nuø, cō' ni'uíng'na' dseáng' laco' la líng' dseà' do 'ñia'r'. <sup>20</sup>Jō dsu' e júu' laba' iin' e niliñ'na', e jíi' cōo' júu' e cajme' jaléng' dseà' ì café' cuaiñ' quiá' Fidiéé' fí' ni' jì' quiár' dseáng' ja' café'r' o'gui' cajmeér' júu' e guøng' e júu' jō dseáng' laco' iin' yaaiñ'. <sup>21</sup>Cō' jaléng' ì dseà ì café' cuaiñ' quiá' Fidiéé' do ja' café'r' júu' dseáng'

laco' i' dsíir' yaaiñ, co' lí' lí' café' jaléng' i dseà do la'eáang' cóo' ñia' Jmìguí' quiá' Fidiéeb'.

**Jaléng' dseà i e' júu' e o' jál'**

(Judas 4-13)

**2** Jo lala fíi' guíi' 'nú', dseà rú'naa' dseà quiá' Dseà Jmáang-, e lamí' jééng'gui caliséem' dseà jee' dseà Israel i cajmícaang' e café'r' cuaiñ quiá' Fidiéé, dsu' o' jál', co' e júu' e caguiar' do jmang' júu' e o' jál'; jogui lajee' lanab cajo niliseeng' dseà i nijmícaang' e líiñ' tifa' i e' júu' quiá' Fidiéé, dsu' júu' e o' jál' ba' ni'é'r' jee' 'nú', dseà líng'na' dseà quiá' Dseà Jmáang-. Jo jaléng' i dseà la'í' e iim' ni'é'r' e júu' e 'léé' do e o' jál', jogui nifé'r' ga' uii' quiá' Fíi'naa' Dseà Jmáang-, jogui i dseà la'í' fé'r' e ja' cuíiñ i dseà i caquíi' jalé' dsee' quiá' dseà jmigüí'. Joba' lajmináb' niquidsí' Fidiéé' í' quiá' i dseà la'í', jogui nicuø' reiñ' iihuí' cajo e catíiñ' uíi' quiá' jalé' e nicajméer' jogui e mí' 'noo' bi jmóor'. **2** Jo fíim' dseà niligøøiñ' cóo' e júu' e o' jál' do, jo nisíng' tu yaaiñ e fí' ga' do, jo uíi' jaléng' i dseà la'í' gab' nifé' dseà uii' quiá' fí' guíú' quiá' Dseà Jmáang-. **3** Jo uíi' e lí' dsíi' jaléng' i dseà i e' jalé' e 'lí' do cuub-, joba' nilí'r' e nijmigøøiñ' 'nú' cajo cóo' jalé' e júu' e o' jál' e er' do. Jo dsu' nisíjéeb' e fí' lí' 'lí' do quiá'r' fí' lí' jo mí' sea'gui, dsuco' tí' nití' í' e Fidiéé' niquidsí' í' quiá'r'.

**4** Jo nine'naa' guíú' e ja' ca'íng' Fidiéé' dsee' quiá' jaléng' ángeles i ca'éé' dsee', dsu' lí' lí' cangojééiñ' fí' lí' 'lí' jaléng' í' jo fí' lí' nna' sòb' caseáang' neiñ' do e si'ñúuñ'

do cóo' ní' cadena cartí' mí' niquidsí' Fidiéé' í' quiáñ' do.

**5** Jogui lajobi nine'naa' guíú' e ja' ca'íng' Fidiéé' dsee' quiá' jaléng' dseà dsee' dseà qui' i caliséng' malí', co' ie' jo Fidiéé' cacuø'reiñ' do iihuí' e cajméer' e ca'á' jmií' fí' la'úng' fí' jmigüí' e quiá' cajúm' lajiim' dseà i soo' dsíi' i cajméé' ga' do. Jo dseáng' lajii' Noébing' i caseáang'gui, co' jii' í'bing' i ca'éé' e guíú' laco' catíng' fí' quini' Fidiéé', jo lajob cajo caseáam' bi guíang'gui dseà siná'u' quiá'r' ie' jo. **6** Jogui lajob cajo ca'ím' Fidiéé' jaléng' dseà i seeng' fí' fíi' Sodoma cóo'gui fí' fíi' Gomorra e cacóo' eáang' fí' jo cartí' cajé' yaang' fa' e laco' niliñi' jaléng' dseà i niliseeng' cøøng'gui e lajob iihuí' ni'íng' jaléng' dseà i jmóo' ga' i 'ní' níng' Fidiéé'. **7** Dsu' ie' jo caleáam' bre jaang' dseañu' i sii' Lot, co' jaang' dseà guíúm' líng' í', jogui eáam' oor' fí' cóo' jalé' e 'lí' e nír' e jmóo' jaléng' i dseà i seeng' fí' lí' táaiñ' do.

**8** Jo lacoø' jmiib' i dseà guíúng' i sii' Lot do seeiñ' e eáam' oor' fí' cóo' i dseà i soo' dsíi' do uíi' e nír' jogui e núur' jalé' e 'lí' e jmóo' i dseà 'líng' do. **9** Jo co' jál' jalé' e la, joba' nine'naa' guíú' e ja' huíng' quiá' Fíi'naa' Fidiéé' e láaiñ' jaléng' dseà jee' jalé' iihuí'. Jo nine'naa' cajo jial cuø' Fidiéé' iihuí' jaléng' i dseà i jmóo' ga' cartí' mí' niquidsí' í' 'ñia'r' quiá' i dseà la'í'. **10** Jo lajee' lajaléng' dseà, eáang'gui nicuø' Fidiéé' iihuí' quiá' jaléng' dseà i lí' dsíi' e jmóor' jalé' e 'lí' lajee' la'ó' yaaiñ' jogui i ja' iing' e Fíi'naa' Fidiéé' quier'

nifí' quiá'r. Jo jaléng' i dseà laf' fíb' líiñ', jogui teáb' dsíir' jmér' lí' doñí' eé' e 'lí', jogui ja 'gór' e fé'r' ga' uii' quiá' jaléng' i 'gøng' i ja' jnéng' i seeng' fí' yú' jmigüü'. <sup>11</sup> Jo jaléng' ángeles i líng' guotií' quiá' Fidiéé', nañí' fa' í'bing' dseáng' e sea'gui bí' quiá' laco' i dseà i e' júu' e o' já' do, jogui nañí' fa' sea'gui fí' quiá'r' cajo laco'gui i dseà í', dsu' niñí'bre e ja' dseeng' fa' e nifér' ga' fí' quini' Fii'naa' Fidiéé' uii' quiá' jaléng' i 'gøng' do i ja' jnéng' i seeng' fí' yú' jmigüü'.

<sup>12</sup> Jo dsu' jaléng' i dseà i e' júu' e o' já' do líiñ' lafa' jó' núub' co' ja' e ngáiñ' jí' coo, co' lí' seeiñ' lajob; co' jó' núu'bing' i líng' e lico' ngáang'ne' e sáng' dseà í're' jo jngaiñ', joba' lajob líng' jaléng' i dseà laf', co' fé'r' ga' uii' quiá' jalé' e ja' ngáiñ' do. Dsu' lajob nidsingíiñ' e ni'fim' quiá'r' cajo mi' nití' í' quiá'r' laco'gui júung' jaléng' i jó' í', <sup>13</sup> jo røøb' ni'íng' i dseà laf' iihuí' laco'gui nicajmeaiñ' jaléng' dseà rúin' i jién'gui. Jo dseáng' ja' í' líng' jaléng' i dseà í' e jmóor' lajo mi' jmií', co' lico' í' dsíir' e eáam' juguiá' seeiñ' e lí' dsíir' jalé' e sea' fí' jmigüü' la; dsu' dseáng' gab' líí' e seeng' jaléng' i dseà laf' jee' 'nú' i tá' mí' lajee' eè'go jmií' jmoo'na', jo i dseà laf' lico' jmi'íáang' dsíir' lajíí' e lí' dsíir' yaam'bre fí' jmigüü' la mi' eè'go jmi'gøiñ' dseà.

<sup>14</sup> Jo jaléng' i dseà laf' ja' lí' níiñ' jaang' dseamf' e fa' ja' suuiñ'; jo dseáng' ja' fím'bre e beáng' dsee' yaaiñ'. Jogui eáam' jmóor' ta' jmi'óo' e cøøiñ' dsíí' jaléng' dseà i ja' mí' teáang' teá' co' júu'

quiá' Dseà Jmáang', jogui dseáng' tí' i dsináang' cuub' líiñ'. Jo uíí' quiá' jalé' e 'lí' e jmóo' i dseà laf', joba' dseáng' 'niab' Fidiéé' nibíiñ' jaléng' i dseà í'. <sup>15</sup> Jo si'íim' dseà do lana, co' nicatú'bre e teáiñ' fí' guiá' co' Dseà Jmáang'. Jo nicajméer' laco' cajmée' jaang' dseà i si'í' café' cuaiñ' quiá' Fidiéé' malií'gui i calisí' Balaam, jóo' jaang' dseañu' i calisí' Beor, co' i dseà í' lí' lí' cajméer' lí' doñí' eé' e ga' e laco' nilí'r' cuub' lami' líiñ', <sup>16</sup> jo dsu' i dseà í' cajíim'bre uíí' e dsee' e ca'éer' do, co' cajíim' bú' quiá'r' ír', co' i bú' do café're' laco' fé' dseab', jo job' mi' cajníing'ne' lajíí' e lí' dsíí' i dseà do.

<sup>17</sup> Jo jaléng' i dseà í' i e' júu' e o' já' do líiñ' laco' dseà i ja' ta' íing', co' líiñ' lafa' coo' ojmí' lí' ja' a' jmií', osi' lafa' jnií' e dsiguíng' co'gui' e ja' quie' jmíí' é; jo Fidiéé'bing' cacuo' e nisi'íing' i dseà do dseáng' e nidsilíiñ' fí' lí' nuu' sò' lata'. <sup>18</sup> Co' yaam'bre guiar' júu' e røo' jogui júu' e ja' uing' sea', jo coo' e ga' e sitíiñ' jmóor' do jogui coo' jalé' e lí' dsíir' yaaiñ' do cøøiñ' dsíí' jaléng' dseà i nabi 'lé' já' líng' júu' quiá' Dseà Jmáang' jogui e nabi nicanaaiñ' e 'naaiñ' yaaiñ' jee' jaléng' i dseà dsee' dseà qui' do. <sup>19</sup> Co' i dseà i e' júu' e o' já' do sí'r' jaléng' i dseà do e cuøøm' lí' jmeiñ' jalé' e iñ', jogui ja' 'né' jmitiñ' júu' quiá' Fidiéé', dsu' o' já' e júu' e ca'er' do, co' yaam' bñr' líiñ' lafa' dseà i si'niing' coo' jalé' e 'lí' e sea' fí' jmigüü' la; co' niñí' dseà e lí' doñí' i dseà i nicajáng' 'ñaia' e nijmér' jalé' e 'lí' e sea' fí' jmigüü' la líiñ' lafa' i dseà i nicalí' e quiá'

ta~ quiá'r- jalé' e 'li' e jmóor` do.  
<sup>20</sup> Jo dsu' jaléng' dseá i nicalicuíng' Fíi'naa' Dseá Jmáang- i láang' dseá jee' jalé' dsee- quiá'r-, jo la'eáang' cóo' e joba' nica'naang' yaaiñ jee' jalé' e 'li' e jmóo' dseá fí' jmigüi' la, jo dsu' song caquing'-tu i dseá do e fí' gá' do jo cajmée'tur jalé' e 'li', jogui niquiá'-tu ta~ quiá'r- jalé' e jo, joba' eáang'gui gá' ni'uúing- quiá'r- laco'gui lamí' jéeng'gui ie' lamí' nú'-gui e nilicuíñ` Dseá Jmáang- .  
<sup>21</sup> Joba' guiá'gui quiá' jaléng' i dseá la'í' fa' e ja' mí' canaañ` e teáañ` fí' guiá' cóo' Dseá Jmáang- laco'gui catú'tur jalé' e nicang'íiñ' do mi~ nicalicuíñ` dseá do jogui e nicasíñ' yaaiñ` fí' guiá' cóo'íñ' do. <sup>22</sup> Co' nicalitib~ cóo' jaléng' i dseá la'í' lajii' júu' e róo' e fé' lala: "Yaam~ dsii' gø'ture' ñu~ quiáa' re' e ñû're' do"; jogui "Jaang' cú' i dseáng' lal' calá' nitáang'-tu ñia're' jee' jmiñii'".

**Mí' nijáa'tu Fíi'naa' Dseá Jmáang- fí' jmigüi' la**

**3** Joba' fíi'guí' 'nú', dseá rú'naa' dseá quiá' Dseá Jmáang- i iin`n eáang', la catf`túb` e jì' la e jmo'o e catíng`na. Jo e jì' la cóo'gui e lamí' jéeng'gui do jmo'o e laco' ni'f' áa'na' røø' jogui e ni'ee`na' guiá' laco' catíng- e jmóo' dseá quiá' Dseá Jmáang-. <sup>2</sup> Jogui iin`n e jmiguiéng' áa'na' jalé' e júu' e casée' jaléng' i dseá i café' cuaiñ` quiá' Fidiée' malii'gui eáang', jogui cajo iin`n e nitó' óo'na' lajii' júu' quiá' Fíi'naa' Dseá Jmáang- i láang' jneaa'aa' jee' dsee- quí'ii'; jo jaléng' i dseá apóo'bing' i ca'e' jneaa'aa' jalé' e júu' jo.

<sup>3</sup> Jo e lab e niing`gui e 'né' e nitó' áa'na' nifí' quiá' e júu' la, e mi~ tí' lí' nijaquíéng' e ni'íing- jmigüi', nijalíng- jaléng' dseá e lí' niliseeiñ` e jmóor' lajii' e gá' e lí' dsíir' yaam`bre, jogui jaléng' i dseá la'í' nijmér- ta~ lóø' cóo' jalé' júu' güeang' quiá' Fidiée' jogui cóo' dseá quiá'r- cajo, <sup>4</sup> jo nijmér- ta~ jmingíi' lala cóo' júu' e lóø': "¿E'gui cal' cóo' lajii' júu' e sisée' e quiá' si'í' e nijáa'tu Dseá Jmáang- calé' catú' fí' jmigüi' la? Dsu' níngoo' jiu jii' e cajúng- Dseá Jmáang- do, jo ja' e lí' e nigüéeng-tu dseá do fí' la, dsuco' ja' eè' sisíing' jii' coo' jalé' e sea' fí' jmigüi' la, co' røøb' líi' laco' líi' lamí' uúing- do líi' lana cajo." <sup>5</sup> Jo dsu' o' já' e laco' fé' i dseá do, co' 'né' e ñi' 'nú' e jaléng' i dseá la'í' ja' iin` fa' e nicár' cuente e latí' lajii' malí'ba' nisea' latøøng- yú' jmigüi' la'eáang' cóo' júu' quiá' Fidiée', jo la'eáang' cóo' ta' e caquiú' Fidiée'ba' cajo e cagüi'fí' guoo' uó' fí' é' jmiñ, jogui la'eáang' cóo' jmiñ'ba' cajméer' e jo cajo. <sup>6</sup> Jo ie' malí' do ca'ím- jaléng' dseá jmigüi' la'eáang' cóo' jmiñ' cajo, co' ca'á' jmiñ' fí' ní' la'úng- guoo' uó'. <sup>7</sup> Jo dsu' latøøng- jmigüi' cóo'gui guoo' uó' e sea' lana nisisée' e quiá' e nicób', co' lajob ta' e caquiú' Fidiée' e nilí'. Jo cóo' e jì' job nicáng' dseá mi~ tí' lí' nitf' í' e niquidsí' Fidiée' í' quiá' lajaang' lajaang' dseá jmigüi', jo ie' job mi~ ni'íing' jaléng' dseá i ja' calinúu' jalé' júu' quiá' Fidiée'.

<sup>8</sup> Jogui fíi' bíi' 'nú' e la, dseá rú'naa' i iin`n eáang', jie' mí' íing- áa'na' e la: Røøb' tíi' quiá' Fíi'naa' Dseá Jmáang- e coo' jmiñ' oñi

coo` mil jii` é, co' líng` dsea` do e lafa' coo` jmiib` quiár` e coo` mil jii` do, jogui e coo` mil jii` do líiñ` lafa' coo` jmiib` tøm̃. <sup>9</sup>Jo ofa' jmi'íing` Fii'naa' Dsea` Jmáang` e nijmitir` lajii` júu` e nicacuø` lami` jeéng`gui laco'gui í` dsii` í` líing` dsea, dsu' o' lajo, co' e eáang` féng`' dsíib` dsea` do, co' ja` iin` fa' lí' e nidsilíng` jii` jaang` dsea` lajo fí' lí' lí', dsu' iing` dsea` do e lajiiim` dsea` niquí'` nijíng`' yaaiñ` fí' quini` Fidiée`, jo lajoba' ni'náng` dsea` jee` jalé'` dsee` quiár`.

<sup>10</sup>Dsu' dseáng`' jáb` e nijaquíém` e jmiib` e nijáa`tu Fii'naa' Dsea` Jmáang` calé'` catú` fí' jmigüi` la, jo jii` ja` ii` nililí'`, co' nijáar` lajee` ja` ñiñ` dsii` dsea` laco' mi` ngí' jaang` dsea` í` jmóo` ii` mi` uøø. Jo ie` job mi` ni'li` eáang` car` niféng`' dsea` mi` ninga'` la'úng` fí' yú'` jmigüi', jogui ni'íim` jaléng`' í` seeng` fí' yú'` do cajo, co' nicám`bre coo'` jii, jogui lajobi guóo'` uø` coo'` jalé'` e sea` fí' jo, nicób` coo'` jii cajo.

<sup>11</sup>Jo co' lajib` e sea` fí' latøøng` jmigüi` nicó` cartí' ni'íing`, joba' 'né' e nijmiñíng` áa'na' e ni'naang` yaang`na' jee` jalé'` dsee` quii`na', jogui contøøm` 'né' jmée`na' lajii` e iing` Fidiée` car` ngocáng` óo'na'.

<sup>12</sup>Jo jmée`na' jalé'` e jo lajee` e nisijeem`ba' e jmiib` e nijáa`tu Fidiée` fí' jmigüi` la, jo jmi'úum`ba' e nigüea` lajminá` e jmiib` jo. Jo mi` nití' e jmiib` jo, ni'íim` la'úng` jmigüi` co' nicób`, jogui jaléng`' í` seeng` fí' yú'` jmigüi` nijmíim`bre coo'` e ning` jii` do cajo. <sup>13</sup>Dsu' jneaa`guíi', dsea` líi'naa' dsea` quiá'` Dsea` Jmáang`, sijeeng`naa' jmigüi` e 'míib` coo'`gui guóo'` uø` e 'míib`

cajo lí'` laco' lajii` júu` e nicacuø` Fidiée` lami` jeéng`gui e nicacuø'r` jneaa`aa', jo lajalém`' í` niliseeng` e fí' jmigüi` 'míi` do líiñ` í` guiúng` í` jmóo` lajii` e iing` dsea` do jogui í` güeang`'.

<sup>14</sup>Joba' fii`guíi` 'nú'`, dsea` rú'`naa' í` iin`n eáang`, e lajee` e sijeeng`na' jalé'` e jo, jmee`ba' úung` quii`na' e nijmée`na' jmang`' e guiá` e laco' mi` nigüeeng`-tu Fidiée` fí' jmigüi` la calé'` catú`, e nigüeiñ'` 'nú'` e seem`ba' juguiá` júu` røø` e ja` si'ling`'na' fí' quinir` jogui e ja` dsee` røøng`na' jii` coo'. <sup>15</sup>Jogui téé` áa'na' e contøøm` féng`' dsii` Fii'naa' Dsea` Jmáang` e laco' tíi`bi niquí'` nijíng`' yaang`na' fí' quini` dsea` do e laco' nilí'na' nileáang`na' jee` jalé'` dsee` quii`na'. Jo quiá'` lajobi cajo, jaang` dsea` rú'`naa' dsea` quiá'` Dsea` Jmáang` í` iin`naa' eáang` í` sii` Paa` nicajme'r` jalé'` jii` e quiá'` jial laang` dsea` jee` dsee` quiár` lí'` laco' jii` e cacuø` Fidiée` quiár` e tíiñ` ngáiñ'`. <sup>16</sup>Jo fí' ni` jalé'` e jii` e nicajme'` dsea` do, røø` nicaféiñ'` 'nú'` cuaiñ` quiá'` laji` e júu` e quiá'` jial laang` dsea` jee` dsee` quiár`, nañi` fa' jee` e jii` jo sea`bi e huíng` e ningáng` jaléng`' í` dsea` í` ja` ngáng`' e júu` jo coo'`gui jaléng`' dsea` í` ja` mí' teáang` teá` coo'` jalé'` e júu` jo cajo, co' jaléng`' í` dsea' la'í' lí'` riquib'` fé'r` e` guóng`' e júu` e er` do, jogui jmisiim`bre cajo e` guóng`' e júu` quiá'` Fidiée` caguiee`gui do, dsu' mi` jmóor` lajo líco' guiéng`' yaaiñ` fí' lí'` lí'` latab`.

<sup>17</sup>Joba' fii`guíi` 'nú'`, dsea` rú'`naa' dsea` quiá'` Dsea` Jmáang` í` iin`n eáang`, co' 'nú'` dseáng`' niñi`ba' guíá` jial líi` e júu` la, joba' fii` i` 'nú'`

e jmeáang'na' í^ yaang~na' e laco'  
 ja` nijmigøøng` dsea` 'nú` e laco' fa'  
 e nilí'r` e nitiúung~na' Fíi`naa' Dsea`  
 Jmáang-. <sup>18</sup>Dsu' 'nú` lí` lí` 'né` e  
 nijmicuíim`bi' eáang`gui Fíi`naa'  
 Dsea` Jmáang-, co' íb` dsea` láang`  
 jneaa~aa' jee~ jalé` dsee` quí`ii',

jogui 'né` e niline~guíi' jial tíi'  
 'neáang` dsea` do jneaa~aa', dsea` i ja`  
 catíing` lajo. iJoba' majmifém'`baa'  
 dsea` do contøøng` jogui lajob lata~!  
 Jo lajob nilí`.  
 Jo lanab jíi` fé` ji` e catí` tú` quiá`-  
 Tí` Simón.